



TOSHKENT DAVLAT YURIDIK UNIVERSITETI REKTORINING B U Y R U G ' I

2021-йил 30 август

08-236-сон

Тошкент давлат юридик университетида 2021/2022 ўқув йилини бошлаш тўғрисида

Ўзбекистон Республикаси Президенти Ш.М.Мирзиёев раҳбарлигида 2021 йил 6 июнь куни “Олий таълим соҳасидаги ислохотлар натижадорлиги ҳамда янги ўқув йилига тайёргарлик жараёнлари тўғрисида” ўтказилган видеоселектор йиғилишининг 34-сонли баёни, Ўзбекистон Республикаси Олий ва ўрта махсус таълим вазирининг 2021 йил 26 августдаги “Республика олий таълим муассасаларида 2021/2022 ўқув йилини бошлаш тўғрисида”ги 366-сонли буйруғи ижросини таъминлаш ҳамда янги 2021/2022 ўқув йилини сифатли ташкил қилиш мақсадида

БУЮРАМАН:

1. Ўзбекистон Республикаси Олий ва ўрта махсус таълим вазирининг 2021 йил 26 августдаги “Республика олий таълим муассасаларида 2021/2022 ўқув йилини бошлаш тўғрисида”ги 366-сонли буйруғи маълумот ва ижро учун қабул қилинсин.

2. Тошкент давлат юридик университетида 2021/2022 ўқув йили жорий йилнинг 6 сентябридан ўқув режага мувофиқ анъанавий таълим шаклида бошлансин.

3. Факультет деканлари (Ш.Сайдуллаев, Д.Камалова, Б.Ходжаев, Д.Умарханова. А.Бабаджанов):

2021/2022 ўқув йилини 6-сентябрдан анъанавий таълим шаклида бошланиши ҳақида барча тегишли профессор-ўқитувчилар ва талабаларни хабардор қилсин;

талабаликка тавсия этилган шахсларни шартномада белгиланган миқдорда ва муддатларда тўлов-контракт маблағларини тўлагунга қадар ўқув машғулотларига қатнашишларига рухсат бериш бўйича буйруқ лойиҳаларини киритсин;

ҳарбий хизматни ўташ, саломатлигини тиклаш, ҳомиладорлик ва туғиш, болаларни парвариш қилиш, оиласининг бетоб аъзосини (отаси, онаси ёки уларнинг ўрнини босувчи шахслар, турмуш ўртоғи, фарзанди) парвариш қилиш эҳтиёжи бўлган талабаларни Ўзбекистон Республикаси Вазирлар Маҳкамасининг

2021 йил 13-июндаги 344-сон қарори билан тасдиқланган “Ўзбекистон Республикаси олий таълим муассасалари талабаларига академик таътил бериш тўғрисида”ги низомга мувофиқ академик таътилга юбориш ёки хоҳишига кўра ўқишини сиртқи таълим шаклига ўтказиш чораларини кўрсин;

таълим жараёнини ўқув режадаги фанлар бўйича тасдиқланган дарс жадваллари асосида йўлга қўйсин;

биринчи курсга қабул қилинган талабаларни кутиб олиш ҳамда биринчи курс мактабини самарали ташкил этсин;

профессор-ўқитувчилар учун кредит-модуль тизими асосида ўқув жараёнини олиб бориш юзасидан семинарлар ташкил этсин;

электрон таълим платформаси (distant.tsul.uz) га фанлар бўйича контентларни ўз вақтида киритиб борилишини таъминласин;

Олий ва ўрта махсус таълим вазирлиги ҳамда Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси ишчи гуруҳлари томонидан олий таълим муассасаларининг янги 2021/2022 ўқув йилига тайёргарлик ҳолатини ўрганишда аниқланган камчиликларни янги ўқув йили бошлангунга қадар бартараф этсин.

4. Қабул комиссияси масъул котиби (В.Давлятов), Ўқув-услугий бошқарма (А.Тошпулатов) талабаларни ўқишга қабул қилиш, курсдан-курсга ўтказиш, хорижий олий таълим муассасалари ҳамда олий таълим муассасалараро ўқишини кўчираётган талабалар ҳужжатларини меъёрий-ҳуқуқий ҳужжатларга тўлиқ риоя этган ҳолда ўз вақтида расмийлаштирилишини таъминлаш чораларини кўрсин.

5. Молия-иқтисод ишлари бўйича проректор (А.Иминов) янги ўқув йилига тўлиқ тайёргарлик кўриш мақсадида жорий йилнинг 31 августига қадар ўқув бинолари ва аудиторияларни ўқув йилини бошлаш учун тайёр ҳолга келтириш (таъмирлаш, камчиликларни бартараф этиш) ва уларни зарур жиҳозлар билан таъминлаш чораларини кўрсин.

6. Кафедра мудирлари:

профессор-ўқитувчилар таркибини тўлиқ шакллантириш;

ўқув юкламаларини профессор-ўқитувчилар салоҳиятини ҳисобга олган ҳолда адолатли тақсимлаш;

ўқув жараёнини меъёрий, ўқув-услугий ҳужжатлар ва ўқув адабиётлар билан таъминлаш;

профессор-ўқитувчиларнинг йиллик шахсий иш режасини тасдиқлаш чораларини кўрсин.

7. Ўқув-услугий бошқарма (А.Тошпулатов):

кредит-модуль тизимига оид барча ҳужжатларни тасдиқланиши ва ўқув жараёнига татбиқ этилиши бўйича тегишли чораларни кўрсин;

таълим йўналишлари ва мутахассисликлари бўйича янгиланган малака талабларини кадрлар буюртмачилари билан келишиш, ўрнатилган тартибда тасдиқлатилишини таъминласин.

8. Ахборот-ресурс маркази (Ҳ.Пирмедова) ахборот-ресурс марказини электрон кутубхона тизимига тўлиқ ўтказиш, уларни хорижий адабиётлар билан тўлдириш чораларини кўрсин.

9. Электрон университет маркази (А.Каримов) ўқув жараёнини ташкил этиш ва бошқаришни рақамлаштириш бўйича:

2021/2022 ўқув йилидан “Олий таълим жараёнларини бошқариш-HEMIS” ахборот тизимига тегишли маълумотларни тўлиқ ва талаб даражасида киритилишини таъминлаш;

талабалар шахсий варақаси, гуруҳ журнали, рейтинг дафтарчаси, дарс жадвали, давомат ва ўзлаштириш қайд варақларини рақамлаштирилишига алоҳида эътибор қаратиш бўйича масъуллар фаолиятини мувофиқлаштириб борсин.

10. Коронавирус пандемияси шароитида талабалар ўқишини хавфсиз ва самарали ташкил этиш мақсадида проректорлар, факультет деканлари:

хар бир ўқув аудиториясини санитария-гигиена қоидалари асосида тайёрлаш;

таълим жараёнини ташкил этиш учун зарур антисептик, санитария воситалари ва пирометрлар билан таъминлаш;

талабалар турар-жойларини қатъий санитария-гигиена қоидалари асосида сақлашга алоҳида эътибор қаратиш;

профессор-ўқитувчилар ва талабаларда коронавирус инфекцияси аниқланганда белгиланган тартибда тегишли чораларни кўриш бўйича ишларни ташкил қилсин.

11. Таълим сифатини назорат қилиш бўлими (Ш.Якубов)га ўқув машғулотларини ўтказилиши ва уларни ўқув-услубий таъминотини ҳолатини мунтазам равишда мониторинг қилиб, натижалари бўйича маълумот киритиб борсин.

12. Мазкур буйруқ ижросининг назоратини ўз зиммамда қолдираман.

Ректор в.в.б.

И. Рустамбеков



Лойиҳа киритди:

Ўқув-услубий бошқарма
бошлиғи

А. Тошпулатов

Келишилди:

Проректорлар:

А.Хашимханов

Д.Умаров

Н.Салаев

А.Иминов

Юридик бюро
катта юрисконсульти

Э. Хосилов